

PPA y venta di edificio Eloy Arends

ORANJESTAD(AAN)— Den un comunicado, PPA ta trece lo siguiente dilanti.

"Cu den e Gobernacion Eman tin cosnan ta tumanando lugar, cu normalmente mester pone henter un Pueblo nan cabey rijs, ta un hecho. Un di e ehempelnan grandi ta e benta di propiedadnan di Pueblo o mihor bisa e forma cu Gobierno ta usa fondonan di Pueblo.

Ultimo dianan aki tin den noticia e compra door di Gabinete Eman di e

propiedad di Erven Dr. Eloy Arends pa un suma di 1.2 Millon Dollar. E deal aki ta un di e ehempelnan bibo di actonan cu ta holer corrupcion, en todo caso mal uso di fondo publico, mientras cu Pueblo Arubano ta worde pidi pa wanta slanan duro di e prijsnan alto di gasolin, 4.1 por ciento, e presion di belasting atrasa etc.

Partido PPA a tuma nota di prensa, unda a aparece algun articulo di e compra aki door di Gabinete Eman pa 1.2

Millon Dollar y na unda a worde menciona e taxatie di 970.000 Mil Florin.

Partido PPA manera semper documenta kier a publica e sumanan exacto, manera e ta y laga pueblo Arubano huzga. E tereno of e propiedad di Erven Arends a worde evalua den tres seccion.

1. Wilhelminastraat nr. 8, cadastralmente conoci como seccion 1, sectie A, number 27, grandura 1.545 m2. E edificio para ariba e tereno aki a worde evalua pa fls.150.000,--.

E tereno cu ta pertenece na Wilhelminastraat 8 ta e parti cu tin e grandura di 1280 m2 y a worde evalua pa f.320.000,--. Wilhelminastraat 8: f.470.000,--.

2. Oranjestraat nr. 1, cadastralmente conoci como seccion 1, sectie A, number 27. E edificio a worde evalua pa f.70.000. E tereno cu ta pertenece na Oranjestraat no. 1 pa ser exacto 265 m2 a worde evalua pa fls.66.000,--: fls. 136.000.

3. Zoutmanstraat no. 13, cadastralmente conoci como 1e afdeling, sectie A, number 28, grandura 1010 m2. E edificio ariba e tereno ey a worde evalua pa fls.160.000,--. E tereno pa fls.255.000,--: f.415.000.

Pues pa un total di 1.020.000,-- (1 Millon Florin).

Con por ta posible anto cu un propiedad cu a worde evalua pa 1 Millon Florin ta worde bendi na Gobierno, mihor bisa Gobierno ta cumpra pa 1.2 Millon Dollar, anto Pueblo mester sufi ba o medidanan di Gobierno Eman.

Nos ta puntra nos Pueblo si acaso esaki no ta holer corrupcion???

Comparacion di e compra aki y e venta di warda di Polis bieo: Pa colmo e tereno aki su grandura total ta 2555 m2, esta 1000 m2 menos cu e tereno di warda di polis cu tabata 3500 m2.

Tur hende conoce a la bez e edificionan di e tereno Arends y e edificio di warda di polis bieo cu gobierno a bende cu un compania local.

PPA ta cuestiona e benta di warda di polis pa e suma abao di 440.000,-- con por ta posible cu awe gobierno ta cumpra un paar di edificio cu seguro no por para banda di warda di polis bieo pa un suma di 380.000,-- cu ta e suma pa e edificionan den e total di 1 millon florin evalua.

Cu otro palabra pueblo mes por huzga ta ki sorto di deal gobierno a haci den e benta di warda di polis bieo, algo increibel.

Comparacion cu e benta di Aruba Palm Beach. Aruba Palm Beach su prijs original di benta tabata 8 millon Dollar y aki Gabinete Eman cu un ministro contra esta mi persona a bende e hotel aki pa 4.7 millon dollar kitando un

suma di cessantie cu gobierno di Aruba mester a paga por bisa pa e suma di 3,5 millon dollar.

Un hotel di 200 camer ber beachfront y varios otro facilidannan?

Ta worde bendi pa 3.5 Millon Dollar y un pida tereno cu algun edificio ariba dje den sumamente mal condicion ta worde bendi pa gobierno pa 1.2 Millon Dollar. Pueblo compara e dos bentanan aki y huzga pa bo mes.

E prijs di benta esta e ganga di Aruba Palm Beach ta muestra sumamente cla ora evalua e asunto bon. E ta un ganga sin fin, e ta duna e impresion cu someone is getting verry rich of this.

Partido PPA ta na altura di cierto benta di propiedad cu a tuma lugar den e caya principal di Aruba, esta Nassaustraat, tanto den e periodo cu cos tabata bon y awor cu cos ta menos bon y si compara e suma di 1.2 Millon Dollar pa un paar di edificio den sumamente mal condicion den Wilhelminastraat cu prijs pa cual bende propiedad den Nassaustraat, anto e abuso di e compra aki cu placa di pueblo ta resalta mas.

Nos ta puntra nos mesnan di AVP a core tuma decision den conseho di Ministro pa entrega keho contra Ministro Berlinski tabata un punto di principio of ta Berlinski mester a bay pasobra e tabata strobando mas.

Si e tabata punto di principio, e siman aki Gabinete Eman mester entrega un keho contra e ministro cu a haci e deal fabuloso aki cu fondo di pueblo, mientras nos pueblo ta sufriendo.

Ainda mi por corda cor hunto cu señores Henny Eman, Watty Vos, Armand Engelbrecht, nos a critica e compra door di Gobierno di e edificio cu awe ta worde usa como warda di polis. Un edificio cu no tabata bal mitar di e prijs gobierno a cumpra pe e tempo ey.

Specialmente nos ministro di Justicia, señor Vos, a hacie su baby pa critica bisando cu placa di pueblo tabata worde regala, nos ta puntra nos mes kico ta opinion di Ministro Vos, Ministro Engelbrecht y Ministro Presidente Eman of ta depende den ki

Sigui lesa pag. 6